



Cyfoeth Naturiol Cymru

Cyfarfod Bwrdd

19 Mawrth 2013

Teitl y Papur	Cynllun Cyhoeddi ynghylch Trwyddedu
Cyfeirnod y Papur:	Papur 6 (03/13)
Paratowyd y Papur gan:	Clive Thomas, Michelle van-Velzen

Pwrrpas y Papur:	Y Bwrdd i ystyried a chymeradwyo'r Cynllun Cyhoeddi ynghylch Trwyddedu
Penderfyniad sy'n Ofynnol:	Y Bwrdd i gadarnhau'r dull gweithredu a gyflwynir

Effaith:	<p>Mae'r Cynllun Cyhoeddi ynghylch Trwyddedu, fel elfen o Gynllun Cyhoeddi cyffredinol Cyfoeth Naturiol Cymru, yn bodloni'r angen i Cyfoeth Naturiol Cymru lunio, mabwysiadu ac adolygu'r wybodaeth y mae'n ei chadw a'r wybodaeth y mae'n ei darparu i'r cyhoedd ynglŷn â cheisiadau am drwyddedau a phenderfyniadau'n ymwneud â thrwyddedu. Nid yw'r cynllun ei hun yn effeithio'n uniongyrchol ar benderfyniadau a fyddai'n effeithio ar yr amgylchedd, ar yr economi, ar y gymuned nac ar wybodaeth, ond mae'n nodi'r fframwaith ar gyfer casglu safbwyntiau a sylwadau ar geisiadau am drwyddedau, a sut rydym yn sicrhau bod gwybodaeth am benderfyniadau sy'n ymwneud â thrwyddedu ar gael.</p>
-----------------	--

Y Pwnc

1. Mae Gorchymyn Corff Adnoddau Naturiol Cymru (Swyddogaethau) 2013 yn nodi gofyniad newydd i Cyfoeth Naturiol Cymru lunio, mabwysiadu ac adolygu'r wybodaeth y mae'n ei chadw a'r wybodaeth y mae'n ei darparu i'r cyhoedd ynglŷn â cheisiadau am drwyddedau a phenderfyniadau'n ymwneud â thrwyddedu, gan gynnwys y rheini y mae'r sefydliad yn eu gwneud iddo'i hun, neu 'hunan drwyddedu'. Bydd y gofyniad hwn yn cael ei gynnwys yn y Cynllun Cyhoeddi cyffredinol y mae'n rhaid i Cyfoeth Naturiol Cymru ei gael o dan y Ddeddf Rhyddid Gwybodaeth.

Crynodeb

2. Mae **Atodiad 1** yn nodi dull gweithredu dros dro i fodloni rhwymedigaethau Cyfoeth Naturiol Cymru, ac mae'n nodi sut y bydd yn mynd ati i wella ein dulliau gweithredu yn ystod y chwe mis cyntaf. Rhagwelir y bydd y prosiect o sicrhau'r gwelliannau'n cael ei reoli gan y Tîm Trawsnewid.

Cefndir

3. Mae'n rhaid i bob Corff Cyhoeddus gynnal a chyhoeddi Cynllun Cyhoeddi sy'n amlinellu'r dosbarthiadau o wybodaeth y sicrheir sydd ar gael fel arfer. Bydd Cyfoeth Naturiol Cymru yn mabwysiadu cynllun cyhoeddi enghreifftiol y Comisiynydd Gwybodaeth ar gyfer 1 Ebrill, ac mae dulliau gweithredu presennol yr hen gyrff eisoes yn cyd-fynd yn dda â'r model hwn, ac â'i gilydd.
4. Bydd y gofyniad newydd i sicrhau bod gwybodaeth ar gael i'r cyhoedd yng nghyswllt ceisiadau am drwyddedau a phenderfyniadau'n ymwneud â thrwyddedu yn cael ei gynnwys yn y gofyniad ehangach o dan y Ddeddf Rhyddid Gwybodaeth.
5. Mae angen i'r Cynllun Cyhoeddi ynghylch Trwyddedu gael ei gymeradwyo gan Weinidogion Cymru cyn y gellir ei roi ar wefan Cyfoeth Naturiol Cymru. Mae'r dull gweithredu dros dro hwn wedi cael ei drafod â swyddogion polisi Llywodraeth Cymru, ac mae'r Cynllun Drafft wedi cael ei gyflwyno law yn llaw ag ystyriaeth gan y Bwrdd. Mae'r arwyddion yn dangos bod y dull gweithredu dros dro yn cael ei ystyried yn rhesymol ar gyfer 1 Ebrill.
6. Gellir defnyddio'r systemau sydd eisoes yn bodoli i ymgymryd â'r angen i roi gwybod i Weinidogion Cymru am geisiadau am drwyddedau a wneir gan y corff iddo'i hun pan mae'n gwneud y cais. Credir y gwneir oddeutu 700 o geisiadau hunan drwyddedu bob blwyddyn, a bod y rhan fwyaf o'r rheini ar gyfer trwyddedu rhywogaethau a chydsyniadau safleoedd gwarchodedig. Ar hyn o bryd, rhoddir gwybod i Gangen Ansawdd Dŵr Llywodraeth Cymru am geisiadau perthnasol. Cytunir mai'r Tîm Nawdd o fewn DES fydd y Gangen sy'n derbyn wrth symud ymlaen.

Y Camau Nesaf

7. Byddai gwelliannau i'r dull gweithredu yn cael eu datblygu dros y chwe mis nesaf, ac yn cynnwys ymgynghoriad cyhoeddus a chymeradwyaeth bellach gan Weinidogion Cymru. Bydd dull gweithredu ar gyfer darparu gwybodaeth i'r cyhoedd ynghylch hunan drwyddedu yn cael ei greu fel rhan o'r broses hon.

Y Risgiau

8. Os na fydd Gweinidogion Cymru (neu'u swyddogion polisi) yn cymeradwyo'r dull gweithredu dros dro, bydd angen i Cyfoeth Naturiol Cymru fynd ati'n gyflym i edrych ar eu rhesymau dros beidio â gwneud hynny er mwyn sicrhau bod dull gweithredu y cytunir arno ar gael i'r cyhoedd cyn gynted ag y bo modd ar ôl y diwrnod breinio.

Goblygiadau Ariannol

9. Nid oes gan y dull gweithredu a gyflwynir yn **Atodiad 1** ddim oblygiadau mawr o ran adnoddau. Mae Cynllun Cyhoeddi (y Comisiynydd Gwybodaeth) yn amlinellu mathau eraill o wybodaeth y mae Cyfoeth Naturiol Cymru yn sicrhau ei bod ar gael fel arfer. Mae'r dull gweithredu ar gyfer codi tâl am ddarparu gwybodaeth yr un fath i'r ddau gynllun. Y Tîm Trawsnewid fydd yn ystyried, yn costio ac yn bwrw ymlaen â'r gwelliannau i'r dull gweithredu.

Cyfathrebu

10. Mae'r tîm tasg trwyddedu wedi cael ei gynnwys yn llawn yn y gwaith o baratoi'r dull gweithredu dros dro.
11. Mae'n rhaid i'r Cynllun Cyhoeddi ynghylch Trwyddedu gael ei gyhoeddi ar wefan Cyfoeth Naturiol Cymru, a rhaid sicrhau bod copïau ar gael ar gais.
12. Dylai ei bod yn bosib gallu darparu copïau mewn fformatau eraill ar gais (fel maint ffont mawr neu iaith arall).
13. Y Tîm Trawsnewid fydd yn rheoli ac yn bwrw ymlaen â'r gwelliannau i'r dull gweithredu, gan gynnwys y gofyniad i 'ymgynggori ag unigolion sy'n berthnasol yn ei farn ef'.

Atodiad 1: Cynllun Cyhoeddi ynghylch Trwyddedu